

B. N. C.  
FIRENZE  
1023  
44



XXVII  
BURRETT  
100E


1023.44

025-44 A 1

SERENISSIMO  
ALBERICO CYBO  
PRIMO DVCI MASSÆ.

In eiusdem Filij CAROLI Primi Principis Carrariæ  
à perniciosissimo exactam morbo salutem.

CARMEN VOTIVVM  
*Francisci Berrettarij Carrariensis.*



MASSÆ, M. DC. LXXXII.

---

Typis Hieronymi Marini . Superiorum permissu .

SEBASTIANO  
ALBERICO CYBO  
PRIMO DUCI MASSA.

In obsequium T. CAROLI IV. Caroli Imperatoris  
et perinde obsequium eiusdem Caroli Imperatoris

CARMEN VOTIVUM  
Francisci Borsarij Cantuariensis.



1023-44

Expensis Caroli IV. Imperatoris. Impensis Caroli IV. Imperatoris.



SERENISSIMO  
ALBERICO CYBO  
PRIMO DVCI MASSÆ  
VOTIVVM CARMEN

*Francisci Berrettarj Carrariensis.*

**S**A T lacrymis, refluisque genis, sauoque dolori  
Afflictis animis, ac mente indulsumus ægri.  
Exultet rediuiua Salus, quam subdidit audax,  
Erubuitque colus demisso vertice frustra  
Parcarum tentasse Trias! Cadat angor: abite  
Mœrores, nobisque vnâ vigilantibus adsit  
Ille diu per Vota vigor, quibus vndique plaudant,  
Decertentque hilares festiuo in carmine Musæ.

Tu vero, ALBERICE, audi Dux inclyte vocis  
Iubila gratantis plectro, fidibusque sonoris.

Solvere, quod noui, propero; tibi debita iure  
 Dona fero, sacrisque tuis Holocausta repono;  
 Quæ si fortè placent, reliquis appensa Tabellis.  
 In Templo pariter Pacisque, tuæque Salutis  
 Omne supra nomen Famæ, seruabis ad annos.

Illa vnquam si fortè mihi præfulsit amica,  
 Læta dies aderat, Phœbusque à Virginis astro  
 Prolapsum soluebat iter; cum nuncius idem  
 Assiduus, qui blanda mihi de more solebat,  
 Denique mœsta tulit; concepto scilicet ægrum  
 Vexari CAROLVM, morboque urgente grauari.

Hinc igitur propulsa quies. Tum quarta subibat,  
 Septimaque aridius multa formidine circum  
 Præterijt Crisis feбри recalente supina.  
 Heu fera tempestas, inopinaque fata benigni  
 Principis! orta Lues adeo miseranda cucurrit?

Sed quid ego? Obstructus lacryma spatiabar amicis  
 Vallibus, & colles, Arunteosque recessus;  
 Nunc huc, nunc illuc agitata mente petebam;  
 Vt cum sæpe Canis, qui dum Venaticus errat  
 Per saltus, valesque cauas, iam feruidus ore  
 Exagitat, pedibusque leuis, fidusque secutus  
 Nare feram; si forte caput leuat arduus, implet,  
 Mox præda amissa, ac Domino, clamoribus auras.

Ecce autem intremuere statim (mirabile dictu,

Nec



Nec re credendum ! ) rupes, concussa que tellus,  
Terque, quaterque specus, sonitumque dedere cauernę.  
Horru i inaccessible cautes ; dehinc æger anhelis non ingi  
Viribus has tandem diuelli à pectore voces :

Da, Pater ; ( agnoui : ) & misero succurre precanti  
Cara mihi, cui sapè tua excantata per umbras  
Indulsere sacris repetita Oracula monstris :  
Sique licet, metire meos impunè dolores  
Tu, qui cuncta sapis, vel Tela trifulca, vel astra  
Prospicias, aut exta recens, fibrasque reuoluas.  
Tu potes ; Auspicius Diuis solare parentem  
Propitius, natisque decus iuuenile Terefam  
Connubij, populisque Domum solare Cybeam ;  
Sæpius ( affer opem ) placitis cumulabere donis,  
Carmenque incisum seclis hac Rupe notabo :

QVI Votis, Musisque meis facis otia Vates,

Pro CAROLO exactæ tibi sint monumenta salutis.  
Vix ea fatus eram ; bibulas hæc protinus aures  
Vox adit, ac sancta replet formidine pectus :

O dilecte mihi, ac Phœbo ; vetus accola nostri  
Montis, vbi calamo Diuos veneraris agrestes,  
Pieriosque colis Sagrino in vertice Musas ;  
Stat sua cuique dies : ægris neque parciunt vlla  
Proluuias animis, fessisque incommoda membris  
Perpetuam non vlla queunt seruare quietem.

Triste

Tristè doles, ( neque enim frustra vexaris, ( acerbum  
Dum patitur venis turbato sanguine virus,  
Igni uoque sinus incendia CAROLVS haurit,  
Heu tabes, indigna pij quæ rumpat in artus  
Principis, & populos cruciet tot amara fideles!  
Nunc cœlestis Amor, sit qui, cum feruidus illi  
Corda prius, sanctoque sinum calefecerit igne,  
Concurrat, putridasque importuno hoste cateruas  
Arceat omnino, longèque exterminet Aula,  
Pandoræ influxus Vrina reuorante malignos;  
Qualis ad intuitum, Iouis omnipotentis, iniqua  
Ventorum rabies, stipatis nubibus, vrget  
Acrios, quidquid genuit natura, per orbis.

Quid dubitas? Regere imperij constanter habenas?  
Principis huius erunt partes, quibus vndique natus  
Aequa Lance Patrem, laudesque imitetur auitas  
Haud incerta cano, nec vana in Aruspiciis arte  
Processus elementa suos, nec sydera fallunt  
Iamdudum celebres, veteresque Aruntis honores.

Vt primos igitur Phœbeæ lampadis igne  
Attigerit, par Libra dies; ( domus apta secundo  
Eximia pietate Viro: ) mox turbinis instat  
Morbificam Cœli subita formidine plebem  
Cruda relinquentem vasis mala semina facis  
Turpè videbis aquas, Scyglasque subire paludes,

Nanque hominum, Diuumque parens, æterna potestas  
 Principis egregias ad eò virtutis ab alto  
 Iam solio miseratus opes violenta fugabit  
 Agmina, nec tantas iras, commentaque vulgus  
 Inconsulta feret, nec vim patietur inultus:  
 Gaudebit CAROLVM genitor per vota, precesque  
 Spem populis, còlumenque suis reuocasse futurum.

Et simul hæc dicens vox vnà, & Vatis imago  
 Corripuit, seseque specu tulit Vmbra silenti.

His itaque auspicijs, monitisque vrgentibus inter  
 Lætitiã, dubiumque metum; qua, nescio, somnus  
 Vi rapuit subita prostratum gramine corpus:  
 Nec mora: continuò dum me sopor altus haberet,  
 Visus adesse senex, cui barba impexa cadebat,  
 Canitiemque ferens, viridemque in veste colorem:  
 Hinc atque hinc pueri geminatis viribus ultro,  
 Scipiadae veluti, fulcibant membra frequentes.  
 Latus erat, medicasque artes, quas ille gerebat,  
 Depositas vidi, morbisque auertere. Fas est,  
 Nunc, ait, ingenui deuotæ Principis Aula  
 Hoc videas tantùm largiri è pectore curas.  
 Desine; iam precibus venerunt Numina tecum  
 Præsidio, morbi que omnes cessere phalanges  
 Supplicibus votis. Viuet gratissimus astris,  
 Terrisque emeritus Princeps, qui ritè superstes

Iura dabit populis, magnisque Nepotibus addet  
 Hinc documenta suis. Nec plura. Ego pectore pleno  
 Gaudia concipiens lacrymis onerabat obortis;  
 Corripior, validaque sopor spe membra reliquit.

Interea celerabat iter pia Fama per Vrbes  
 Nuncia plaudentis hilares per iubila voces.  
 Obstupui, gratesque dedi felicibus Vmbris:  
 Iò, dixi, incolumem medicina Epidaurius egit  
 Ecce Virum; hanc faciunt iteratis vocibus ipsa  
 Somnia grata fidem. Saluè ALBERICE, simulque  
 CAROLE saluè, omnesque Lares saluete CYBEI.

F I N I S.



MC

